



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

LXXXIX. Die von Wedel und von dem Wolde belehnen Johann Ryn mit dem Schulzenamt in ihrem Dorfe Dalow, am 12. September 1398.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

LXXXIX. Die von Wedel und von dem Wolde belehnen Johann Ryn mit dem Schulzenamt in ihrem Dorfe Dalow, am 12. September 1398.

In godes namen Amen. Alle Dynk, de dar schyn in der tyd, de vor ghan med der tyd vnd vor wynnen, dar vmme ys des nöd, dat de Dynk, de ewych blyuen scholen, Dat se myd openbaren bryuen vnd mit wyttebeme thughe werden buvestieghed. Hir vmme wy Czules van Wedele, Hans, Hennygh, Haffe, Lodewych, Clawes, ghehyten brudere vnd vedderen de van Wedele, Vnd Hans van deme Wolde myd synen bruderen, Heren thu Valkenborgh, wy bukennen vnd bethughen openbar vor allen crysten luden, de dessen bryf syen edder horen lezen, dat wy myd ghuden wyllen vnd myt buraden mude legghen hebben vnd lyghen yn desseme bryue deme Erbarn manne Her Johan Ryn vnd sinen kinderen vnd eren rechten eruen dat schultambacht vnser Dorpes tu Dalow myd sös Huuen vnd vyf koten, de in deme suluen dorpe ghelegghen sint, vrych vnd vredelyk thu busyttende myt alleme rechte. Vortmer so lyghe wy deme suluen Her Johan Ryne vnd synen kynderen vnd eren rechten eruen dat drudde del van alleme broke, de vor Recht kummen, vnd eyne sceperyghe, oft se de vor moghen. Ok so lyghe wy em vnd synen kynderen vnd eren waren eruen eynen Kruch myd aller Renthe. Dar thu lyghe wy Her Jan Ryne vnd synen kynderen vnd eren rechten waren eruen de vyfcheryghe vpper Drawen van der olden mole wente an dat velt to Drawenborgh vnd de Drave myd aller nüd vnd myd aller vrucht, de dar af komen mach. Dyt vor benumede rychte vnd alle vorbenumede stücke schal Her Johan Ryn vnd syne kyndere vnd ere waren eruen vrych vnde vredelyk busyten vnd ewichlyken vnholden sünder yennegherleye byndernylse. Vorbas van desseme vorbunumeden ghude schal Her Johan Ryn vnd syne kyndere vnd ere waren eruen vns vnd vnser Rechten ernamen gheuen Jo vmme dat drudde Jar eyn perd, alle gud alle sös mark edder sös mark vynkenoghen pennyghe, Edder wes vns edder vnser Eruen alder ghedelekest ys. Dat alle vorchreue stücke vnd sake von vns vnd van vnser Eruen scholen stede vnd vast gehalten werden vnd vntubroken, So hebbe wy Czules, Hans, Hennygh, Haffe, Lodewych, Clawes, brudere vnd vedderen, ghehyten von Wedele, vnd Hans von den Wolde vnd syne brudere vnse Inghezegele myd wytschop vnd myd eyneme buradenem mude vor dessen briff laten henghen, De schreuen vnd gheuen ys to Valkenborgh, na ghodes bort drutteynhundert Jar, In deme achte vnd neghendestegheme Jahre, des Dunresdaghes vor des hylghen cruces Daghe, alze dat vorhoghed ward.

Aus L. v. Seebur's Allg. Archiv XIV, 105.

XC. Gerhard von Dewis und Jürgen von Wedel versichern den Hochmeister einer Schuld und ihres Beistandes gegen Polen, am 25. August 1401.

Wir Gerhard von Dewis vnd Jürgen von Wedele bekennen offentlich in dessen brieffe allen, die In sehen, hören oder lesen, das wir, vnser erben vnd nachkomlinge mit rathe vnd